



**„You(th) can make changes
if you(th) get a chance“
2008 / 09**

ANALIZA ANKETE

Tuzla, april 2008.



Helsinški Parlament Građana (hCa) Tuzla
Helsinki Citizens' Assembly (hCa) Tuzla
Omladinski resursni centar Tuzla
Youth Resource Center Tuzla
Hadži Bakirbega Tuzlića 1, 75000 Tuzla,
Bosna i Hercegovina
Tel/fax: ++387 35 258 077
e-mail: hcatuzla@bih.net.ba, orctuzla@bih.net.ba



ANKETA

**„You(th) can make changes
if you(th) get a chance“
2008 / 09**

Tuzla, april 2008.

ANKETA

„You(th) can make changes
if you(th) get a chance“
2008 / 09

s a d r ž a j

Uvod.....	1
Anketa – struktura ispitanika.....	2
Anketa – odgovori na pitanja.....	3
Anketa – Zaključci.....	11
O projektu	12
O hCa.....	14
O ORC.....	17

UVOD

U periodu od 1.3.2008 do 1.4.2008 godine 2008. godine u okviru projekta **“You(th) can make changes – if you(th) can get a chance”** ("Mladi mogu napraviti promjene - ukoliko mladi dobiju šansu") – podržanom od strane NED Washington i Kanadske Ambasade Sarajevo, Helsinški Parlament Građana (hCa) / Omladinski Resursni Centar (ORC) Tuzla je zajedno sa omladinskim organizacijama – članicama Omladinske Mreže Bosne i Hercegovine izvršio anketiranje mladih iz tri regije: Podrinje, Sjeveroistočna BiH i Hercegovina. U distribuciji i anketiranju aktivno su učestvovala partnerske organizacije ovog projekta: Multimedijalni Centar Mladih (MCM) Zvornik, Inicijativa za razvoj i saradnju u Bosni i Hercegovini - IRS (Ured Mostar) i KULT BiH (Ured Gradačac). Osim u pomenutim regijama, upitnici su popunjavani i ustalim gradovima BiH zahvaljujući omladinskim organizacijama - članicama omladinske Mreže BiH.

Cilj anketiranja je bio da dobijemo uvid o stavovima mladih o aktuelnoj političkoj situaciji u državi, kao i njihovom učešću u demokratskim promjenama u društvu sa fokusom na predstojeće lokalne izbore. Anketa je sadržavala 7 pitanja, od kojih su tri bila opisna.

Tokom anketiranja prikupili smo 518 upitnika, i na osnovu istih napravili analizu, koju vam ovo prilikom predstavljamo.

Napominjemo da smo svjesni da je ovo nije reprezentativan uzorak i da ovako mali broj prikupljenih anketnih upitnika ne predstavlja stvarnu situaciju na terenu. Ipak, analiza će nam koristiti kao polazni parametar za pripremu i implementaciju ostalih aktivnosti ovog projekta.

Koristimo se prilikom i da se ovim putem još jednom zahvalimo svim pojedincima – građanima Bosne i Hercegovine koji su odvojili svoje vrijeme da daju doprinos ovoj našoj analizi popunjavanjem upitnika na terenu.

hCa / ORC Tuzla


Tuzla, April 2008

ANKETA

Tokom anketiranja u bosanskohercegovačkih gradova, ukupno je popunjeno **518** upitnika.


1. POLNA STRUKTURA ISPITANIKA

U anketi je sudjelovalo **300 (57,9%)** muških i **218 (42,10%)** ženskih ispitanika.



2. STAROSNA DOB ISPITANIKA


Od ukupnog broja ispitanika, njih **181 (34,9 %)** su starosne dobi 20-30 godina. Zatim slijedi: **179 (34,6 %)** starosne dobi 15 – 20 godina; **129 (24,9 %)** ispitanika je starosne dobi 30 – 40 godina, **25** ispitanika (**4,8 %**) su starosne dobi preko 40-50 godina i **4** ispitanika (**0,8 %**) su starosne dobi preko 50 godina.



Prvo postavljeno pitanje u anketi glasilo je:

Da li ćete glasati na predstojećim izborima?

Na ovo pitanje **379 (73,10 %)** ispitanika odgovorilo je da će glasati, dok je njih **139 (26,90 %)** odgovorilo da neće.



U ovom pitanju smo tražili i narativni odgovor. Najčešći odgovori koje smo dobili bili su:

Glasaću na predstojećim izborima zato što:

- *je krajnje vrijeme da dođe do promjena;*
- *jer moram, ovo se više ne može durati;*
- *svojim glasom i izlaskom na izbor želim učestvovati u kreiranju budućnosti i tome dati svoj doprinos;*
- *smatram da tako odlučujem o svojoj sudbini;*
- *to je moja obaveza i dužnost;*
- *hoću da iskoristim svoje pravo;*
- *i do sada sam uvijek glasao;*
- *za bolje ekonomske uslove;*
- *da podržim reformske političke snage;*
- *da bi pravi ljudi došli na vlast;*
- *hoću da pozitivno utičem na izbor načelnika;*
- *da izaberem ljude i političke partije koji imaju najbolja rješenja za rješavanje problema u lokalnoj zajednici;*
- *zato što izbore smatram legalnim načinom izbora svojih predstavnika u vlasti;*
- *da bih dao doprinos dajem razvoju lokalne zajednice;*
- *promjene ne nastupaju osim ako se ne izborimo za njih;*
- *zato što želim da u BiH napokon pobedi građanska a ne etno nacionalistička opcija. Želim funkcionalnu državu a ne crnu rupu u Evropi;*
- *ne želim biti posmatrač, nego aktivni učesnik stvaranja demokratskog društva;*
- *želim promjenu ljudi na vlasti jer ova vlast nije ništa učinila za omladinu;*
- *nemam dobar razlog da ne izađem na izbore*

Neću glasati na predstojećim izborima bog toga što:


- *zato što sam maloljetan;*
- *ne zanima me;*
- *razočaran sam u političare;*
- *jer nisam nikada glasao;*
- *ne interesuju me izbori ništa se ne mjenja na bolje;*
- *mislim da nema smisla;*
- *ne vjerujem u izbore;*
- *kako god glasamo ostat će isto;*
- *ne očekujem boljitak;*
- *nijedna stranka nema dobar program;*
- *za koga da glasam?*
- *suvišno je, moj glas neće ništa promijeniti;*
- *nema učinka;*
- *ne vjerujem ni jednoj stranci*

Prema odgovorima datim na ovo pitanje vidi se da skoro tri četvrtine anketiranih želi izaći na izbore, i uzeti aktivno učešće u promjeni situacije na lokalnom nivou. Ipak, nije zanemariv ni broj njih koji ne žele izaći na izbore (njih 26,9%) zbog raznih razloga, a najviše zbog toga što ne vjeruju da će naredni lokalni izbori bilo šta promijeniti nabolje.

Prema podacima Centralne izborne Komisije iz 2006. godine procenat mladih (do 30 godina) koji su izašli na izbore 2004. godine bio je: 47,65 %, dok je taj procenat 2006. godine iznosio: 50,49%

Sljedeće pitanje u anketi glasilo je:

Da li smatrate da je trenutna lokalna vlast u vašem gradu zadovoljila vaša očekivanja?
102 ispitanika (njih 19,7 %) odgovorilo je da je trenutna vlast zadovoljila njihova očekivanja, dok je 416 ispitanika (80,3 %) odgovorilo da nije. Gledano grafički, odgovori na ovo pitanje izgledaju ovako:



Najčešći narativni odgovori na ovo pitanje bili su:

Smatram da jeste zato što:

- *načelnik opštine je sa svojim saradnicima učinio velike pomake na stvaranju ljepšeg, boljeg i prosperitetnijeg života;*
- *vide se pomaci na bolje;*
- *naziru se pozitivni pomaci, a prethodnoj vlasti to nije uspjevalo;*
- *pokrenuto je dosta projekata;*
- *rade na izgradnji infrastrukture grada;*
- *uglavnom su ispunili predizborna obećanja;*
- *Više rade a manje politiziraju;*
- *zato što u svoje aktivnosti uključuje mlade ljude i brine se o njima;*
- *zato što sam ih podržala i ubuduće ću;*
- *makar je grad ljepši*

Smatram da dosadašnja vlast nije zadovoljila moja očekivanja zbog toga što:

- *nema promjena u odnosu na prijašnju, niti se trude da promjene nešto;*
- *moglo bi se puno više uraditi, npr ulagati u mlade ljude;*
- *nedovoljno se radi na programu zapošljavanja;*
- *jer ne predstavljaju u pravom smislu servis građana;*
- *nemaju adekvatnih vidljivih akcija;*
- *misle samo o svojim položajima;*
- *predugo su na vlasti, izgubili su vezu sa biračima;*


- *veliki broj problema sa kojima se suočavaju građani, npr loša infrastruktura, neadekvatna i netransparentna dodjela sredstava iz lokalnog budžeta;*
- *jer vode grad trošeći tuđe pare bez odgovornosti;*
- *zato što ne slijede ekonomske interese nego samo političke;*
- *puno nerješениh pitanja;*
- *položaj studenata je gori nego ikada, a i ostalih kategorija populacije;*
- *nemaju dugoročnih planskih aktivnosti na rješavanju gorućih problema;*
- *previše se vodi briga o ekonomskom istupu na razna tržišta a premalo o građaninu;*
- *lokalnu vlast čine političari a ne realni ljudi;*
- *omladina se ne zapošljava, samo rade rodbinske veze i poznanstva, diskriminacija po nacionalnom ključu;*
- *vlast je samoj sebi svrha, dok narod gladi;*
- *u velikom broju opština ne postoji strategija omladinskog razvoja;*
- *nema mjesta gdje bi omladina mogla izlaziti, nema kulturnih dešavanja;*
- *ne odvaja dovoljno sredstava za mlade;*
- *nesposobni su i neorganizovani, korumpirani*

Iz odgovora dobijenih od anketiranih građana na ovo pitanje vidi se da daleko veći broj njih (80,3 %) smatra da aktuelna vlast u njihovoj lokalnoj zajednici nije zadovoljila njihova očekivanja, nego onih koji su zadovoljni (19,7%). Shodno ovome, i broj kritika na račun lokalnih vlasti je daleko veći nego broj pohvala.

Pitanje broj 5. iz ankete glasilo je:

Mislite li da će predstojeći (2008) lokalni izbori u vašem gradu promijeniti nešto na bolje?

Odgovori na ovo pitanje bili su podijeljeni. 297 anketiranih (njih 57,3%) misli da će sljedeći izbori promijeniti nešto na bolje, dok njih 221 (42,7%) misli da neće.



I na ovo pitanje učesnicima ankete je data mogućnost da se opisno izraze o tome šta misle da li će predstojeći lokalni izbori u njihovom gradu promijeniti nešto na bolje. Najčešći odgovori na postavljeno pitanje bili su:

Mislim da hoće zato što:

- *mora, narodu je voda do ušiju;*
- *u mnogome će se stvoriti preduslovi da u skupštinskim klupama počnu sjediti mladi, ozbiljni i odgovorni ljudi;*
- *krajnje je vrijeme da se krene nabolje;*
- *gore ne može biti;*
- *očekujem nova radna mjesta;*
- *dosadašnja vlast je sve radila dobro i ne vidim razloga zašto to ne bi radili i u budućnosti;*
- *novi pristupi, novi ljudi, nove ideje;*
- *optimista sam;*
- *zato što će na vlasti ostati ljudi koji grade naš grad;*
- *proces je uvijek donosio promjene, ja sa nadam sada nabolje*

Mislim da izbori neće ništa promijeniti zato što:

- *zato što ljudi (pojedinci) gledaju samo svoj interes, a ne sveopće dobro;*
- *zbog toga što je sve u ovom gradu korumpirano;*
- *zato što ne očekujem ništa bolje od bilo kakve vlade;*
- *ne vjerujem političkim strankama;*


- *jer će doći još veći lopovi i oni će još više krasti;*
- *lokalne vlasti nemaju nikakav uticaj;*
- *mladi odlaze, stari drže vlast;*
- *ostat će isti ljudi;*
- *narod nije spreman za promjene;*
- *nastaviti će se provoditi ista politika od istih ljudi;*
- *građani još nisu osvješteni, za većinu je još uvijek najvažnije nacionalno;*
- *građani su pasivni;*
- *većina građana nije dovoljno obrazovana i vjeruje obećanjima;*
- *ovi što će pobijediti već imaju osigurane glasove;*
- *politika se sve više vraća jednomlju*

Iz odgovora dobijenih na ovo pitanje vidi da je mišljenje anketiranih građana donekle izbalansirano. Njih 297 (ili 57,3 %) misli da će se situacija nakon predstojećih izbora promijeniti nabolje, dok je broj onih koji to ne misle 221 (ili 42,7%). Ipak, iz dobijenih narativnih odgovora na ovo pitanje je vidljivo da je daleko veći broj ispitanika pesimističan. Čak i oni koji su odgovorili da će se situacija promijeniti nabolje nakon izbora, davali su odgovore tipa: «mora, došlo je do ušiju, krajnje je vrijeme, gore ne može biti», dok je istovremeno daleko više dato odgovora na opisno pitanje da ispitanici ne misle da će se nešto promijeniti nabolje.

Šesto pitanje iz ankete «Mladi mogu napraviti promjene, ukoliko dobiju šansu», bilo je:

Da li ćete na predstojećim lokalnim izborima glasati za stranke koje se zalažu za ulazak Bosne i Hercegovine u Evropsku uniju?

Na ovo pitanje **389** ispitanika (**75,10 %**) se izjasnilo da će glasati za te stranke, dok je njih **129** (**24,9 %**) reklo da neće. Gledano grafički, to izgleda ovako:



Prema dobijenim odgovorima na ovo pitanje u anketi, jedna četvrtina anketiranih (24,9 % ili svaki četvrti ispitanik) ne želi glasati za stranke koje se zalažu za ulazak Bosne i Hercegovine u Evropsku Uniju. S druge strane, tri četvrtine ispitanika (75,1 %) će glasati za te stranke. Ipak, gledajući rezultate stiče se utisak da je u narednom periodu potrebno dodatno raditi na informisanju građana BiH o prednostima procesa pridruživanja Bosne i Hercegovine evropskim integracijama.

Sedmo, posljednje pitanje u anketi distribuiranoj tokom marta i aprila po gradovima BiH glasilo je:

Da li ćete na predstojećim lokalnim izborima svoj glas dati za stranke koje u svojim programima prioritetno ističu

A: nacionalni program

B: Ekonomsko-socijalni program?

348 ispitanika (njih 67,2 %) se opredijelilo za stranke koje ističu ekonomsko-socijalni program, dok se njih 170 (32,8 %) odlučilo da će glasati za stranke koje ističu nacionalni program.



Iako su se dvije trećine anketiranih građana izjasnile da će na narednim lokalnim izborima svoj glas povjeriti strankama koje u svojim programima prioritetno ističu ekonomsko-socijalni program, još uvijek se jedna trećina građana (32,8 %) odlučuje da glasa za stranke koje prioritetno ističu nacionalni program. Ovaj rezultat zabrinjava, prije svega što se radi o lokanim izborima, na kojima bi sve stranke prije svega trebale ponuditi socijalne i ekonomske programe za poboljšanje životnih uslova u lokalnoj zajednici. Preporuka za nevladine (omladinske) organizacije je da se u narednom periodu posvete educiranju građana (prije svega mladih), o tome šta je to lokalna samouprava, šta su odgovornosti i dužnosti lokalnih zajednica i lokalnih vlasti. Isto tako je preporuka nevladinim organizacijama da svoje prioritete u narednom (predizbornom, ali i postizbornom periodu) podrede projektima koji vode ka poboljšanju situacije u lokalnim zajednicama, te razvoju saradnje sa lokalnim vlastima.

Zaključci:

- 73 % ispitanika planira izaći i glasati na predstojećim lokalnim izborima. Uzimajući u obzir da su najveći broj ispitanika (69,4 %) mladi (do 30 godina), preporuka za nevladine organizacije je da se pojačaju aktivnosti edukacije mladih o političkim (posebno lokalnim) procesima, kao i važnosti izlaska na izbore.
- Četiri od pet anketiranih građana BiH (80,3%) smatra da aktuelna lokalna vlast u njihovom gradu nije zadovoljila njihova očekivanja. Broj kritika na račun dosadašnjeg rada lokalnih vlasti je daleko veći nego broj pohvala.
- Malo više od pola anketiranih građana (njih 57,3 %) misli da će se situacija nakon predstojećih izbora promijeniti nabolje, dok je broj onih koji to ne misle 221 (ili 42,7%). Ipak, prema narativnim odgovorima daleko je veći broj ispitanika pesimističan.
- Svaki četvrti ispitanik u anketi (njih 24,9) neće na narednim lokalnim izborima svoj glas dati za stranke koje se zalažu za ulazak Bosne i Hercegovine u Evropsku Uniju. U narednom periodu potrebno je dodatno raditi na informisanju građana BiH o prednostima procesa pridruživanja Bosne i Hercegovine evropskim integracijama.
- Preporuka za nevladine (omladinske) organizacije je da se u narednom periodu posvete educiranju građana (prije svega mladih), o tome šta je to lokalna samouprava, šta su odgovornosti i dužnosti lokalnih zajednica i lokalnih vlasti. Isto tako je preporuka nevladinim organizacijama da svoje prioritete u narednom (predizbornom, ali i postizbornom periodu) podrede projektima koji vode ka poboljšanju situacije u lokalnim zajednicama, te razvoju saradnje sa lokalnim vlastima.

O PROJEKTU:

1.2.2008. godine počeli smo sa implementacijom projekta pod nazivom "You(th) can make changes – if you(th) get a chance", koji je podržan od fondacije National Endowment for Democracy (NED) Washington I Kanadske Ambasade u BiH.

Projekat pokriva 3 regije u BiH: **Podrinje, Posavina i Hercegovina**, a svaka regija obuhvata oba Entiteta (RS i FBiH).

U svakoj od spomenutih regija imamo i partnerske organizacije, a to su:

Multimedijalni Centar Mladih Zvornik,

KULT BiH (ured u Gradačcu);

Inicijativa za razvoj i saradnju" u Bosni i Hercegovini – IRS (ured u Mostaru)

Partnerske organizacije aktivno sudjeluju u planiranju i implementaciji projektnih aktivnosti.

Strateški ciljevi ovog projekta su:

- a) Promocija demokratskih vrijednosti i važnost zajedničkog djelovanja mladih ljudi bez obzira na etničku pripadnost, religiju, rasu ili neko drugo porijeklo;
- b) Održivost lokalnih omladinskih multietničkih organizacija u malim gradovima sa posebnim fokusom na konfliktna područja;
- c) Porast saradnje među mladim ljudima u Bosni i Hercegovini, omladinskim organizacijama, studentskim vijećima i lokalnim vladajućim strukturama;
- d) Stvaranje pretpostavki za održivi razvoj omladinske politike;

Ciljevi projekta:

- a) Povećanje znanja kod omladinskih organizacija koje je potrebno za borbu protiv rasizma, etničke diskriminacije i netolerancije
 - Organizovanje serija edukativnih seminara u tri područja Bosne i Hercegovine sa omladinom različite etničke i religijske pripadnosti;
 - Organizovanje Omladinske Konferencije na koju će se pozvati omladina različite etničke pripadnosti i političari;
 - Dnevna distribucija korisnih informacija širom Bosne i Hercegovine putem mailing liste Omladinske mreže;
 - Dnevna publikacija svih korisnih informacija na našoj web stranici www.omladina-bih.net;
 - Uređivanje i distribucija mjesečnog biltena koji sadrži informacije o omladinskim organizacijama iz oba entiteta;
- b) Promocija demokratskih vrijednosti i potreba mladih ljudi u Bosni i Hercegovini;
 - Priprema i organizovanje predizborne omladinske ulične kampanje u Bosni i Hercegovini sa centralnim manifestacijama ove kampanje u gradovima koji se nalaze u tri ciljana područja;
 - Distribucija promotivnog materijala omladini (članovi Omladinske Mreže Bosne i Hercegovine, omladinskim neformalnim grupama, pojedincima), nevladinim organizacijama / institucijama itd;

- c) Pružanje mogućnosti mladim ljudima različitih nacionalnosti da razumiju potrebu i prednosti zajedničkog rada u demokratskoj borbi za poboljšanje života mladih ljudi;
- Zajednički rad i pojavljivanje u medijima mladih ljudi različitog etničkog porijekla;
 - Neformalno druženje i sastanci mladih ljudi različitog porijekla tokom projektnih aktivnosti u cilju upoznavanja;
- d) Obučiti što veći broj mladih ljudi koji će biti nosioci demokratskog društva Bosne i Hercegovine u budućnosti;
- Neformalna edukacija mladih ljudi o rješavanju konfliktnih situacija;
 - Edukacija i pomoć omladinskim organizacijama u organizovanju ulične kampanje;

Projekat se sastoji od sljedećih aktivnosti:

- analiza situacije na terenu,
- tri edukativna seminara,
- jedna omladinska konferencija
- predizborna ulična kampanja.

Osim ovih aktivnosti hCa/ORC Tuzla će nastaviti sa svojim redovnim, dosadašnjim, aktivnostima:

- uređivanje i izdavanje mjesečnog biltena OM BiH
- svakodnevno prikupljanje i objavljivanje informacija putem mailing liste i objavljivanje istih na web stranici www.omladina-bih.net (sve informacije koje su bitne za mlade u BiH: stipendije, zaposlenja, grantovi, pozivi na konferencije, seminare, radionice itd.)
- pružanje usluga naše kancelarije svim omladinskim organizacijama koje se obrate za pomoć vezanu za: pisanje projekata, neformalna edukacija, registracija udruženja, informacije o donatorima itd.



HELSINŠKI PARLAMENT GRAĐANA (hCa):

Helsinški parlament građana (hCa) je međunarodna mreža građanskih inicijativa, pokreta, društvenih i političkih grupa na Istoku i Zapadu, koje zajednički rade na demokratskoj integraciji Europe. Glavni cilj hCa je artikulisanje i promovisanje pogleda, interesa i političkih vizija građanskog društva u Helšinskom regionu o evropskoj integraciji i problemima sa kojima se susreće. Razgovori o ovoj integraciji i problemima Evrope ne mogu se voditi na nivoima samih državnih vlada: društvo takođe treba učestvovati u tome. hCa želi da proširi ovu debatu o Evropi i na druge nivoe osim političkih elita.

Međunarodni sekretarijat hCa je osnovan u Pragu (Češka Republika). hCa ima svoje ispostave u skoro svim evropskim zemljama. Pošto hCa želi da stvori čvrste garancije za slobodu, demokratiju i poštovanje ljudskih prava u Evropi, uključujući i zaštitu svih vrsta građanskih inicijativa, posebna pažnja je usmjerena na regije koje se nalaze u konfliktu. U osnovi, hCa pomaže sve one hrabre ljude koji se bore da održe građanske vrline i koji žive u situacijama haosa, rata i ugnjetavanja.

HELSINŠKI PARLAMENT GRAĐANA TUZLA

8. aprila 1995 hCa je zvanično otvorila svoju kancelariju u Tuzli (registrovani u Decembru 1996. u Tuzli). Od tada, hCa kancelarija u Tuzli aktivno učestvuje u promociji, jačanju i povezivanju građanskih inicijativa u Tuzli i Bosni i Hercegovini. Nadalje, hCa kancelarija u Tuzli blisko saraduje sa Forumom građana Tuzle, Građanskim Alternativnim Parlamentom i mnogim ostalim različitim lokalnim organizacijama.

CILJEVI hCa TUZLA:

1. Jačanje i povezivanje građanskih inicijativa u raznim gradovima Bosne i Hercegovine i izvan naših granica. hCa Tuzla je uspostavila kontakte sa različitim građanskim inicijativama širom BiH. Cilj hCa je da podrži i promovira njihove aktivnosti, da ih poveže sa drugim partnerima, da im pomaže u organizovanju, itd. Također smo i inicirali i pokrenuli nekoliko mreža (ženska, omladinska), i organizovali mnoge konferencije i seminare koji su doveli zajedno i spojili mnoge ljude širom BiH. U saradnji sa Banjalučkom hCa kancelarijom, obnovljeni su mnogi kontakti između ljudi iz različitih "entiteta".

2. Objavljivanje regularnih izvještaja i članaka o perspektivama građanskog društva, socijalne situacije i situaciji o ljudskim pravima u BiH. Ovi izvještaji su poslani različitim partnerima, građanskim inicijativama, vladama, Evropskim institucijama, itd.

3. hCa Tuzla radi na povezivanju i razmjeni mnogih lokalnih organizacija i pojedinaca (novinari, nevladine organizacije, opštine, škole, kancelarije hCa, političari, itd.) u Tuzli i inostranstvu. Ovo praktično znači rad na konkretnim projektima u Tuzli koji su u interesu ulagača iz inostranstva, asistiranje partnerima iz inostranstva putem informacija na sva njihova pitanja, uspostavljanje komunikacija sa različitim lokalnim organizacijama, organizovanje posjeta delegacija Tuzli itd. hCa Tuzla takođe pruža i tehničku pomoć u tom smislu da lokalne organizacije i grupe mogu koristiti fax, računare i telefonske linije u hCa kancelariji u Tuzli.

4. Aktivno promovisanje međunarodne saradnje u projektima rekonstrukcije Tuzle. HCa Tuzla je na primjer bila aktivno uključena u osnivanju organizacije "Holandski gradovi za Tuzlu". Ova organizacija je plod zajedničke saradnje lokalnih inicijativa, nevladinih organizacija, lokalne vlade u Tuzli i u Holandiji. Pokretanjem devet integrisanih projekata "Holandski gradovi za Tuzlu" imaju za cilj raditi na ekonomskoj, društvenoj, i kulturnoj rekonstrukciji i blagostanju Tuzle i njenih građana.

AKTIVNOSTI hCa TUZLE:

Jedna od glavnih aktivnosti koje je hCa organizovala je Četvrta hCa Skupština u Tuzli, u Oktobru 1995. HCa održava generalne skupštine približno svakih 18 mjeseci. To je međunarodno okupljanje oko 1000 njenih aktivista iz cijele Evrope, Sjeverne Amerike i šire. Veliki izbor radionica i godišnjih sastanaka obezbjeđuje mjesto za razgovore o politici hCa, procjeni aktivnosti hCa i razvoju novih projekata. Teme tih radionica uključuju: humanitarne intervencije, ženska ljudska prava, građanska prava, društvenu ekonomiju, nenasilno rješavanje konflikta, međuvjerski dijalog, ulogu medija u konfliktima, itd. Od 19-22 Oktobra 1995. Generalna hCa Skupština je održana u Tuzli. Čak iako je u to vrijeme još uvijek trajao rat u BiH, 600 ljudi iz zemalja bivše Jugoslavije, Evrope i Sjeverne Amerike je učestvovalo na njoj. Ovi učesnici su predstavljali međunarodne organizacije, vlade, opštine i sve vrste građanskih inicijativa. Pored diskusije o uobičajenim hCa temama, usresredili smo se na ulogu Međunarodne Zajednice i građanskih inicijativa (iz BiH i inostranstva) u rješavanju konflikta u BiH.

Poslije ove Skupštine ostvareni su, a kasnije i nastavljeni brojni kontakti između društvenih grupa. Ovo je rezultiralo i osnivanjem Građanskog Alternativnog Parlamenta (GAP) BiH, mreže građanskih inicijativa širom BiH. GAP BiH je osnovan od strane Foruma Građana Tuzle, a hCa je njegov međunarodni partner.

NEKE OD OSTALIH AKTIVNOSTI hCa TUZLE:

- U saradnji sa hCa Banja Luka i hCa Sarajevo, organizovane su tri ženske konferencije (Zenica – jun 1996) (Banja Luka – decembar 1996) (Mostar - juli 1997).

- Zajedno sa hCa kancelarijom u Banja Luci uspostavljena je omladinska mreža u BiH, koja trenutno okuplja preko 120 omladinskih organizacija iz čitave Bosne i Hercegovine.

- Aktivno smo učestvovali u osnivanju nezavisnog kulturnog centra/teatra u Tuzli, organizovali smo takođe posjetu predstavnika različitih pozorišta Tuzle pozorištima u Holandiji. Tokom 1998. predstavnici Holandskih teataru su u Tuzli organizovali različite radionice za članove tuzlanskih pozorišta i teatarskih grupa.

- Obezbijedili smo i podržali mnoge kontakte između Federacije BiH i Republike Srpske (između studenata, pozorišta, univerziteta, škola, društvenih aktivista, Roma itd)

- Obezbijedili smo i organizovali posjete različitih Bosanskih delegacija zemljama Evrope
- Inicirali smo mnoge kontakte između lokalnih grupa u Tuzli i inozemstva.
- Zajedno sa našim ko-partnerom, organizacijom Roma Opštine Tuzla, "SA E ROMA", organizovali smo dvije velike konferencije Roma i Romsku noć u Tuzli. hCa Tuzla i Sa E Roma su dobili donaciju za dvogodišnji rad na različitim projektima koji su poboljšali životni standard i položaj Roma u BiH.
- hCa Tuzla je organizovala seminar o nenasilnom rješavanju konflikata (Tuzla januar 1996)
- Potpomognut je projekat Doma Mladih u Tuzli (kulturni centar), kursevi za omladinu, kompjuteri, itd.
- Kancelarije hCa u BiH su organizovale dva seminara pod nazivom "Nakon Dejtona". Jedan je imao za temu pravne aspekte dejtonskog sporazuma (Sarajevo, januar 1997), a drugi odnose između lokalnih nevladinih organizacija i međunarodne zajednice u obnovi građanskog društva u BiH (Banja Luka, juli 1997)
- Organizovali smo odlazak učesnika iz BiH na ljetne škole međunarodne hCa: (KRETA, 1996) (HRVATSKA, 1997) (GRUZIJA 1997), (FRANCUSKA 1999, 2000), CESKA (1999),



OMLADINSKI RESURSNI CENTAR (ORC) TUZLA

Odluka za osnivanje i registracijom jednog ovakvog centra proizašla je na osnovu izraženih potreba mladih. Naime, većina omladinskih nevladinih organizacija u BiH dosada je radila uz pomoć međunarodnih organizacija/institucija, ali takva pomoć sve više slabi i omladinske organizacije su prepuštene same sebi. Većina njih se ne snalazi u takvim situacijama i veoma brzo prestaju sa radom. Ovo se posebno odnosi na omladinske organizacije u manjim mjestima u BiH, koji bez adekvatne pomoći nisu u mogućnosti zadovoljiti osnovne potrebe mladih. Uzimajući u obzir ovakvu situaciju i ovakve probleme odlučili smo osnovati Omladinski Resursni Centar (ORC) Tuzla koji bi na adekvatan način pružio podršku i pomoć svim omladinskim organizacijama koje bi naišle na probleme u svom radu. U Januaru 2004. godine održana je osnivačka skupština Omladinskog Resursnog Centra (ORC) Tuzla koji je registrovan i počeo sa radom.

Misija

Omladinski Resursni Centar (ORC) Tuzla pomaže u radu omladinskim organizacijama i pojedincima, posebno onima koji djeluju u manjim i "zatvorenim" lokalnim zajednicama u Bosni i Hercegovini.

Ciljevi ORCa Tuzla

1. osnaživanje i jačanje omladinskog sektora u BiH
2. osnaživanje i jačanje kapaciteta i resursa omladinskih organizacija i neformalnih grupa mladih posebno u malim sredinama
3. praćenje, podsticanje i jačanje rada mladih i omladinskih organizacija
4. podsticanje i jačanje saradnje između omladinskih organizacija, na lokalnom, nacionalnom i regionalnom nivou
5. prikupljanje i stvaranje baze podataka o omladinskim organizacijama, njihovim aktivnostima i radu
6. izgradnja saradnje između omladinskih organizacija i vlasti na svim nivoima
7. pokretanje procesa institucionalizacije omladinskog sektora u BiH
8. pružanje stručne i logističke pomoći i podrške omladinskim organizacijama u radu, posebno organizacijama u osnivanju
9. uspostavljanje i stvaranje bolje komunikacije i bržeg protoka informacija među omladinskim organizacijama
10. povezivanje i saradnja sa omladinskim organizacijama regije, Evrope i svijeta
11. unapređivanje i razvijanje djelatnosti i rada omladinskih organizacija, prema evropskim standardima
12. uspostavljanje i ostvarivanje saradnje sa drugim srodnim asocijacijama u zemlji i inostranstvu

13. ostvarivanje drugih zajedničkih interesa mladih i omladinskih organizacija.

Aktivnosti ORC-a Tuzla

Nakon osnivanja ORC Tuzla počeo je sa konkretnim aktivnostima. Prije svega radili smo na promociji ORC-a Tuzla, direktno informirajući omladinske organizacije u BiH o mogućnostima koje ovaj centar pruža mladima. U tu svhu obišli smo omladinske organizacije i neformalne omladinske grupe u gradovima: Konjic, Jablanica, Banovići, Brčko Distrikt, Gradačac, Bijeljina, Zvornik, Bratunac, Vlasenica, Višegrad. U okviru ovih posjeta ponudili smo im korištenje naših kapaciteta i pomoć u njihovom budućem radu. Isto tako promociju smo vršili u okviru pojavljivanja na medijima, web stranici www.omladina-bih.net, kao i prilikom izdavanja raznih publikacija. Napomenut ćemo samo neke od aktivnosti ORC Tuzla za 2004. godinu:

sastanci sa predstavnicima omladinskih organizacija, organima vlasti, u Tuzlanskom Kantonu i cijeloj BiH,

prikupljanje podataka od omladinskih organizacija iz BiH i kreiranje baze podataka objavljivanje tih podataka u knjižici Almanah 2004 koji smo štampali u 500 primjeraka, Informacije o aktivnostima omladinskog sektora u BiH svakodnevno su prikupljanje i distribuirane od/prema omladinskim organizacijama.

Svi ovi sadržaji su svakodnevno objavljivani na našoj web stranici Omladinske mreže BiH - www.omladina-bih.net

mjesečno objavujemo informacije o aktivnostima članova Omladinske Mreže u BiH, zajedno sa ostalim korisnim informacijama u formi mjesečnog biltena. Ovaj bilten se objavljuje i na engleskom jeziku. Ukupno, mjesečni bilten se distribuira na oko 2000 adresa.